

松滋縣誌卷之第二十一

孝行 節義附

至德要道莫先於孝孝固通神明光四海者也松以孝行著者薦紳先生紀載多缺獨故老所傳聞爲耳目所經見者幽巷僻壤往往有之囊旌未加遂使懿德美行湮沒弗傳惜矣至閨門之內鮮知學問而孝婦節女間有之死靡他撫孤成志者亦多泯焉無聞夫發潛德之幽光亦勵風化之一端

松滋縣誌

孝行

卷之第二十一

一

何可無誌歟爰誌孝行以節義附

攷

明

戴其仁父名時弟仲名其義季名其禮家苦食貧胼胝養親其旨無缺晨昏定省恪盡子職兄弟同居內外無間言怡怡如也父時年九十有七仁七十有三義七十禮六十有七一門壽考孝友所致父歿之日弟者千人其感人之衆如此

丁國用字近泉自幼失母繼母不慈愛惟已子岐
視國用乃至凍餒不顧且加苛責焉國用奉命唯
謹罔敢少懟及長有志四方經營楚蜀江淮間遂
挾貲巨萬凡母有所需悉惟命是從且公諸昆弟
母於是感悟諸弟亦無間言與鄉隣處周困乏濟
急難樂施不倦善飲酒輒數石不醉年九十餘強
節健步履矍自如至病革時命取大篋焚於庭其
中皆負券也鄉人至今翫攬其德

松滋縣志

孝行

卷之第二十二

二

彭耀成化中邑訓導彭元七世孫也少家貧力作
以養其親壬午年既苦兵復苦歲耀隨父避居山
中以穀食奉親自茹荼蓼其父母適被賊擄將刃
之耀泣請先死賊乃義其孝父母於是獲免殆父
病時屢憂終日目不交睫每雞鳴進粥父安乃退
衣不解帶者七閱月乙酉父卒亂猶未已野多白
骨耀獨脩棺衾以殮後凡遇父生忌之日輒號泣
哀慕年八十如一日真純孝也

按

孝非奇節也卽三人之所以奉親者亦僅自盡其常耳曷志乎獨異者彼三人之所爲宜盡人而復爲之何寥寥未之多見耶矧三人悉艸野之農民非素履中和之域而遊於詩書禮樂之途者乃能克盡庸德如此準之古昔大孝有弗愧焉故謹志之知後之覽此者當不禁觀感而興起矣

皇清

松滋縣誌

孝行

卷之第二十一

三

陳君樂朱市人孤貧不能娶竭力養母母老病難自動履扶持不怠每食供酒肉代爲舉箸出營他務必泣告母顧隣姬與母處以防不測後母齒盡落凡有耳脆則吮喂之母或稍健喜形於色身自捧負者幾四十季邑紳士稔知其孝以事聞邑侯陳賜額嘉獎兼給布帛母百歲卒樂亦年七十餘哭踊殯葬致哀盡禮弔者無不感動

賀氏年十八適里人魏洽乾姑久病賀焚香祝天

願以身代姑病且割齋虔割股和羹以進姑食之
病立愈先割股時毫不覺痛楚迨姑起而賀乃昏
絕於地恍惚中若有神爲之救不逾時遂甦事聞
上臺給扁額以嘉其孝

按

會典云割股任人自爲不在旌表之例蓋爲人子
事親而言也經曰身體髮膚受之父母不敢毀傷
孝之始也故聖王教民止貴盡其庸德不欲高以

松滋縣志

孝行

卷之第二十一

四

奇節乃以愚孱易致傷生親心反爲之痛是以割
股廬墓爲聖人所不取誠重之也至婦之事姑又
不狀矣昔秦俗抱哺其子與公并踞母取箕箒立
而諄語賈傳已深長嘆矣今之事姑而克盡婦道
者又幾人哉若賀之至孝乃能割股救姑使天心
爲之感動鬼神爲之呵護姑病遂起身亦無恙非
至孝安能臻此司牧者旌獎宜矣固不得以人子
割股一例觀也志之所以教後之善事姑者亦以

愧人子之不善事親者

明烈婦

王氏李淳妻正德辛未流寇入境撞其居劫王欲污之王大罵不從遂被害

李氏爲太學生何洪妻早年無子李年二十七矢志不二時弘治年間邑中水災歲大無李自度不能存謂人曰吾當死久矣今歲荒若此孑孑嫠婦顧安所求活乎乃自經

松澤縣志

孝行

卷之第二十一

五

柳氏李本溶妻夫卒時年始十九子幼父母憐其少乃諷之改嫁柳卽溺水求死全其節

戴氏黃爵妻年二十一夫亡寡居撫教其諸子皆

爲庠生

李氏朱永廸妻夫亡時年二十六誓死不改適以全節終

袁氏胡良儒妻年二十夫病瘥袁侍湯藥晝夜不怠儒病稍起卽赴庄取租袁力阻其次儒不從瘥

遂復劇越三日卽死於庄袁聞訃哀痛幾絕其時
已懷死節之心矣乃令人往迎柩一日度柩將至
預治祭饌遣有烏集於屋哀鳴如訴袁泣曰烏其
爲夫之魂耶不然何哀鳴若此旣聞柩離家僅五
里許遂乘小舟疾迎至則扶柩躡踊慟絕復甦乃
卽投水以死不移時屍浮水上迺遷夫柩觀者無
不詫爲靈異家人收殮雙柩合葬事聞於 上旌
表墓門至今碑刻尙存

松滋縣志

孝行

卷之第二十一

六

尹氏王奇妻也奇爲邑庠生亂時夫婦俱爲賊所
執比欲犯尹遂先殺奇尹於是罵不絕口乃以夫
血塗面卽拔賊所佩刀自刎死

楊氏庠生張維之妻維年二十夭歿楊年十八兩
子方在襁褓比欲從夫之死公姑慰之曰汝死是
棄吾孫也吾二人年且老汝何不忍死爲乃夫教
子養親節孝不益全乎楊於是歛泣改容再拜曰
敢不唯命於是奉侍舅姑撫摩二子時則飲泣不

已乃未嘗須臾忘夫也閨後姑忽感疾臥床不起朝夕扶持進藥視膳罔敢少懈二十年如一口也教二子皆遊泮旣生八孫亦俱列子衿歿時年且七十謂非節孝所致歟

李氏王瓚妻年二十六夫卒以死自誓舅姑爲之勸勉乃撫育諸子俱成備器子本義孫相之皆舉鄉試第一次子本忠亦舉鄉科年八十九始卒

王氏明經龐世鸞之妻庠生王文光之女也年十

松滋縣志

孝行

卷之第二十一

七

四適龐氏事姑以孝相夫以敬端莊淑慎天性狀也明末會馬賊破城龐氏合家出奔九都箐箕灣地方避亂適有賊將張黑臣統賊衆駐澧州大掠箐箕灣倉卒賊至世鸞卽匿於荆棘深處王及其父母遂被執賊乃究其夫之所在王給之曰當執我時彼遁去已久吾不知其何往世鸞於是乃得脫賊怒其誑遂殺其父又以繩索繫王之頸挾其母以金贖王無不免乃給婢曰我身已入營中汝

可隨侍我不願我母贖也賊信以爲然遂釋其繫
王得解卽躍水中賊怒強援之比及岸氣已絕矣
賊嘆謂婢曰真烈婦也賊既去世幾始得收葬其
屍

義夫附

劉凱旌邑庠生幼聘同邑胡氏女聘後女雙目忽
瞽父母與外父母見其瞽齒遊泮疑不諧遂議改
婚旌泣訴曰兒未娶而嫌其瞽若旣娶而瞽當置

松滋縣志

孝行

卷之第二十一

八

此女於何地改婚兒不願也父母屢欲強之旌割
髮以誓迨親迎相見甚歡生子三女二遠近嘆服
學臺旌獎其義